

137

Na osnovu člana 55.stav 2. tačka b. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09) i člana 20. Uredbe o članarinama u turističkim zajednicama HNK („Službene novine HNK“, broj: 5/10), ministar trgovine, turizma i zaštite okoliša d o n o s i

**PRAVILNIK  
O OBLIKU I SADRŽAJU OBRASCA ZA  
UPLATU ČLANARINE  
TURISTIČKIM ZAJEDNICAMA**

Član 1.

Ovim pravilnikom propisuje se oblik i sadržaj obrasca za uplatu članarine turističkim zajednicama (u daljem tekstu: obrazac TZ).

Član 2.

Pravna i fizička lica, obveznici plaćanja članarine turističkoj zajednici, dužna su predati, na obrascu TZ mjerodavnom tijelu obračun članarine turističkoj zajednici u skladu sa članovima 10., 11., 12., 13., 14. i 15. Uredbe o članarinama u turističkim zajednicama i to:

- pravna lica, u roku propisanom za predaju polugodišnjeg i godišnjeg obračuna uspješnosti poslovanja pravnih lica, zajedno s propisanim računovodstvenim iskazima;
- fizička lica, Kantonalnom poreznom uredu Mostar, u roku propisanom za predaju konačnog obračuna poreskih obaveza, po isteku godine za koju se vrši utvrđivanje poreza.

Sredstva članarine uplaćuju se na uplatne račune otvorene u skladu s posebnim propisom za uplatu javnih prihoda kod pravnih lica ovlaštenih za obavljanje platnog prometa (u daljem tekstu: banke).

Uplata se vrši putem dva odvojena platna naloga, do petog dana tekućeg mjeseca za prethodni mjesec:

- 80% sredstava turističkoj zajednici kantona;
- 20% sredstava Turističkoj zajednici Federacije BiH.

Član 3

Sadržaj i oblik obrasca TZ štampan je uz ovaj pravilnik i njegov je sastavni dio.

Član 4.

Ovaj Pravilnik stupa na snagu danom objavljivanja u „Službenim novinama Hercegovačko-neretvanskog kantona“

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Ministarstvo trgovine, turizma i zaštite okoliša

Broj:10-01-24-231/11  
Mostar,28.04.2011.godine

MINISTAR  
Samir Sunagić, s.r.

